

БӨЛІМ: МҰХТАР ШАХАНОВ / ӨЛЕҢДЕР

Жігіттің екі сипаты

ЖАРИЯЛАНДЫ
26.01.2022СІЛТЕМЕ
https://bilimger.kz/113010/

Марсқа

Кім қайратты

Кім кімге асқар тұлға,

Мүмкін бе екен тағдырдан бас тартуға?

Неткен ғажап,

Биіктен құлаған тас

Сынғанымен қалады тас қалпында.

Құзар шыңда,

Ойпаңда,

Бұралаңда,

Талайларды сын күтіп тұрады алда...

Быт-шыт болып кетпей ме қам кесектер

Кіп-кішкентай жырадан құлағанда.

Алуан тағдыр берілген бұл адамға

Есегінен ез жігіт құлағанда

Жұбатыңдар,

Аяңдар,

Өйткені оның,

Құм боп кетер жігері жылағанда.

Алуан тағдыр берілген бұл адамға,

Тұлпарынан ер жігіт құлағанда,

Жұбатпаңдар!

Ер адам от-жігерін

Намысына жаниды жылағанда.

Мұхтар Шаханов

© 2026 Bilimger.kz Ақпараттық-танымдық білім порталы. Барлық мазмұн авторлық құқықпен қорғалған.